



Број: 17-21-1862-2/23
Сарајево, 12. јуна 2023. године

ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ

- ПРЕДСТАВНИЧКИ ДОМ
- ДОМ НАРОДА

Б

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 12-06-2023			
Organizaciona jedinica	Klasifikaciona oznaka	Redni broj	Broj priloga
01,02-	21-1-	1308/	23

Предмет: Сагласност за ратификацију споразума, тражи се

У складу са чланом 16. Закона о поступку закључивања и извршавања међународних уговора ("Сл. гласник БиХ", бр 29/00 и 32/13), достављамо вам:

Споразум између Савјета министара Босне и Херцеговине и Владе Републике Азербејџан о сарадњи у области заштите од природних и других катастрофа. Споразум је потписан 11. априла 2023. године у Бакуу - Република Азербејџан, а потписао га је, у име Босне и Херцеговине, г. Ненад Нешић министар безбједности Босне и Херцеговине.

Будући да је Министарство безбједности БиХ надлежно за провођење поступка за закључивање овог споразума, молимо вас да на састанке ваших комисија, односно сједнице Домова, поред представника Предсједништва БиХ, као предлагача, позовете и представника Дирекције који заступницима, односно делегатима може дати све потребне информације.

С поштовањем,


Доставити:

- наслову
- архиви





MFA-BA-MPP
Broj: 08/1-42-05-2-14966/22
Datum: 7.6.2023. godine



PREDSJEDNIŠTVO BOSNE I HERCEGOVINE
SARAJEVO

PREDMET: Prijedlog odluke o ratifikaciji Sporazuma između Vijeća ministara Bosne i Hercegovine i Vlade Republike Azerbejdžan o suradnji u oblasti zaštite od prirodnih i drugih katastrofa, d o s t a v l j a s e;

U prilogu akta dostavljamo prijedlog Odluke o ratifikaciji Sporazuma između Vijeća ministara Bosne i Hercegovine i Vlade Republike Azerbejdžan o suradnji u oblasti zaštite od prirodnih i drugih katastrofa. Sporazum je potpisan dana 11.04.2023. godine u Bakuu, Republika Azerbejdžan. Potpisnici su u ime Bosne i Hercegovine Nenad Nešić, ministar sigurnosti Bosne i Hercegovine, a u ime Vlade Republike Azerbejdžan, Kamaladdin Keydarov, ministar za vanredne situacije.

Podsjećamo da je Predsjedništvo Bosne i Hercegovine na 25. redovitoj sjednici, održanoj 31. ožujka 2022. godine, donijelo Odluku broj: 01-50-1-844-44/22 o prihvatanju predmetnog Sporazuma, kojom je ministar sigurnosti Bosne i Hercegovine ovlašten za potpisivanje istog, a koju dostavljamo u prilogu akta.

Vijeće ministara Bosne i Hercegovine je na 13. sjednici održanoj 1.6.2023. godine, utvrdilo Prijedlog odluke o ratifikaciji Sporazuma između Vijeća ministara Bosne i Hercegovine i Vlade Republike Azerbejdžan o suradnji u oblasti zaštite od prirodnih i drugih katastrofa.

Molimo da Predsjedništvo Bosne i Hercegovine, u skladu sa odgovarajućim odredbama Zakona o postupku zaključivanja i izvršavanja međunarodnih ugovora („Službeni glasnik BiH“ 29/00 i 32/13), provede postupak ratifikacije navedenog Sporazuma.

S poštovanjem,

MINISTAR

Elmedin Konaković



Musalin 2, Sarajevo, Tel: (+387 33) 281-100, Fax: (+387 33) 227-156 - Мусалин 2, Сарајево, Тел: (+387 33) 281-100, Факс: (+387 33) 227-156

Predsjedništvo BiH 17-21-1862/23, 09.06.2023
Dušica Bećarević, 12.06.2023 11:58

**SPORAZUM
IZMEĐU**

VIJEĆA MINISTARA BOSNE I HERCEGOVINE

I

VLADE REPUBLIKE AZERBEJDŽAN

I

**O SARADNJI U OBLASTI ZAŠTITE OD PRIRODNIH I DRUGIH
KATASTROFA**

Vijeće Ministara Bosne i Hercegovine i Vlada Republike Azerbejdžan (u daljem tekstu "Strane");

Uvjerene u nužnost uzajamne saradnje u prevenciji i smanjenju posljedica prirodnih i drugih katastrofa (u daljem tekstu "katastrofa");

Uzimajući u obzir ulogu Ujedinjenih naroda i drugih međunarodnih organizacija u oblasti zaštite od katastrofa;

Usaglasile su se o sljedećem:

Član 1.

Svrha Sporazuma

1. Ovaj sporazum regulira okvir uslova za dobrovoljno pružanje uzajamne pomoći u slučaju katastrofa na teritoriji druge Strane, saradnju u oblasti sprječavanja katastrofa te druge vidove međusobne saradnje.

2. Saradnja Strana vodi se načelima reciprociteta i vrši u okviru mogućnosti Strana.

Član 2.

Oblasti saradnje

1. Saradnja između Strana uključuje, posebno, sljedeće oblasti:
 - a) razmjenu naučnog i tehničkog znanja i iskustva u oblasti zaštite od katastrofa;
 - b) edukaciju i obuku personala, koji učestvuje u aktivnostima zaštite i spašavanja;
 - c) razvoj i proizvodnju opreme za zaštitu i spašavanje;
 - d) obavještanje o rizicima od katastrofa i njihovim posljedicama;
 - e) pomoć u slučaju katastrofa u kontekstu zaštite i spašavanja, kao i u uklanjanja njihovih posljedica.

2. U cilju realizacije ovog sporazuma i saradnje u oblastima

navedenim u prethodnom stavu, Strane mogu zaključiti provedbene dogovore.

3. Strane podržavaju saradnju između nacionalnih organa te vladinih i nevladinih institucija i organizacija uključenih u oblast zaštite od katastrofa.

Član 3. Definiranje pojmova

Pojmovi koji se koriste u ovom sporazumu imaju sljedeće značenje:

a) **"prirodne i druge katastrofe"** su katastrofe prouzrokovane silom prirode, industrijske aktivnosti te druge situacije koje je prouzrokovao ljudski faktor (izuzev rata), a koje ugrožavaju život, imovinu i okruženje te značajno pogoršavaju uslove života;

b) **"podaci i informacije o prijetnjama"** su podaci i informacije o katastrofama, čija je svrha rano obavještanje o nesposrednoj opasnosti i implementiranju zaštitnih i drugih mjera kojima se omogućava sigurnost ljudi, imovine i okoliša;

c) **"zaštitne mjere"** su preventivne i zaštitne mjere te aktivnosti za prevenciju, umanjivanje i uklanjanje prijetnji po stanovništvo te za očuvanje materijalnih roba i okoliša;

d) **"spašavanje i pružanje pomoći kod katastrofa"** su aktivnosti svih spasilačkih snaga i izvora, čija je svrha direktno ili indirektno umanjivanje i uklanjanje posljedica katastrofa;

e) **"timovi za spašavanje i pružanje pomoći kod katastrofa te pojedinci koji pružaju pomoć"** su adekvantno obučeni i opremljeni timovi i osobe koje je Država pošiljalac imenovala za pružanje pomoći;

f) **"zaštita, spašavanje i druga oprema"** su sredstva za pojedinačnu i grupnu zaštitu, oprema za spašavanje, sredstva transporta (vozila, plovila i letjelice), te tehnička i druga sredstva koja koriste timovi za spašavanje i pružanje pomoći kod katastrofa te pojedinci koji pružaju pomoć;

g) **"humanitarna pomoć"** je hrana, pitka voda, lijekovi, medicinski materijali te drugi proizvodi namjenjeni za besplatnu distribuciju stanovništvu koje je pogođeno ili kojemu prijeti opasnost od katastrofa kao pomoć ka smanjivanju posljedica;

h) **"Država primalac"** je Država one Strane čiji nadležni organi zatraže pomoć od Države druge Strane;

i) **"Država pošiljalac"** je Država one Strane čiji nadležni organi obezbijede besplatnu pomoć po zahtjevu Države druge Strane;

j) **"Država tranzita"** je Država preko čijeg teritorija prelaze timovi za spašavanje i pružanje pomoći kod katastrofa i pojedinci koji pružaju pomoć i nose opremu za potrebe Strana.

Član 4.

Nadležni organi

1. Nadležnost za implementaciju ovog sporazuma ima:
 - u Republici Azerbejdžan: Ministarstvo za vanredne situacije Republike Azerbejdžan;
 - u Bosni i Hercegovini: Ministarstvo sigurnosti – Sektor za zaštitu i spašavanje.
2. Nadležni organi se sastaju svake dvije godine u cilju efikasne realizacije Sporazuma.
3. U realizaciji ovog sporazuma, nadležni organi navedeni u stavu (1) ovog člana su ovlašteni da uspostave direktni kontakt i vezu. Nadležni organi će razmijeniti adrese te podatke o telekomunikacijskim vezama (telefon, faks i elektronska pošta) i kontaktnim tačkama.
4. Strane će se međusobno pismeno obavijestiti o svim naknadnim izmjenama nadležnih organa i njihovim adresama, telekomunikacijskim vezama i kontaktnim tačkama i to ne kasnije od 30 dana od dana nastanka takvih promjena.
5. Nadležni organ Zemlje primaoca je u svim situacijama odgovoran za upravljanje operacijama spašavanja i pružanja pomoći.
6. Nadležni organi povjeravaju zadatke isključivo vođama spasilačkih timova Zemlje pošiljaoca, koji će, potom, informirati svoje podređene o detaljima izvršenja zadatka.

Član 5.

Saradnja između humanitarnih organizacija

Strane će u oblasti zaštite od katastrofa potaknuti saradnju između humanitarnih organizacija iz dviju Strana.

Član 6.

Razmjena znanja i iskustva

1. Strane se međusobno obavještavaju o naučnim i tehničkim rješenjima te iskustvima za svrhu pripreme i uklanjanja posljedica katastrofa, kao i efikasnije zaštite i spašavanja.
2. Strane razmjenjuju informacije o državnom zakonodavstvu koje se primjenjuje u oblasti zaštite od katastrofa.
3. Isto tako, Strane teže da u ekonomskoj i drugim vidovima saradnje efikasno koriste rezultate i rješenja naučne i tehničke saradnje ostvarene u oblasti zaštite od katastrofa.

Član 7. Edukacija i obuke

Strane promoviraju saradnju u oblasti edukacije i obuke personala, koje učestvuje u aktivnostima zaštite i spašavanja kroz:

- a) uspostavu direktnih veza i saradnje između obrazovnih organizacija te razmjenu predavača, instruktora i drugih eksperata;
- b) organiziranje edukacija i obuka za personal;
- c) razmjenu nastavnih materijala, kao i iskustava stečenih tokom aktivnosti zaštite i spašavanja;
- d) organizaciju zajedničkih vježbi u oblasti zaštite i spašavanja.

Član 8. Razvoj i proizvodnja opreme za zaštitu i spašavanje

Strane će poticati saradnju između vladinih institucija i poslovnih subjekata u oblasti tehničkog razvoja i proizvodnje opreme za zaštitu i spašavanje.

Član 9. Obavješćavanje o prijetjećim i nastalim katastrofama

1. Strane se međusobno informiraju o prijetnjama i nastalim katastrofama koje mogu ugroziti ili pogoditi bilo koju od Strana.

2. Obavijest o prijetnji ili nastanku katastrofe sadržava: opis prijetnje odnosno katastrofe, informaciju o lokaciji, vremenu, stepenu i posljedicama predmetne katastrofe, kao i o poduzetim mjerama zaštite.

3. U slučaju katastrofe, Strane se isto tako međusobno informiraju o potrebnoj i raspoloživoj pomoći, te mogućnostima i načinu njene realizacije.

4. Obavijest o prijetjećoj ili nastaloj katastrofi može se iskazati u pismenoj ili usmenoj formi na jezicima Strana. Usmena obavijest mora biti potvrđena i pismenim putem.

5. Organi strana navedenih u stavu (1) člana 4. nadležni su za obavješćavanje o prijetjećim i nastalim katastrofama, kao i za slanje odnosno primanje zahtjeva za pomoć.

Član 10.

Pružanje pomoći

1. Država Strane koja je pogođena nekom katastrofom može zatražiti pomoć od države druge Strane. Pomoć može uključivati spasilačke timove, pojedince, opremu za zaštitu i spašavanje te humanitarnu pomoć.

2. Zahtjev za pružanje pomoći iz stava (1) ovog člana obavezno sadržava: informacije o vrsti i opsegu potrebne pomoći, informacije o institucijama i osobama sa kojima je potrebno uspostaviti vezu te prijedlog načina na koji će se pomoć pružiti.

3. Pomoć se pruža u skladu sa zakonodavstvom država predmetnih Strana.

Član 11.

Prelazak državne granice i boravak na teritoriji države druge Strane

1. Kako bi se obezbijedila brža i efikasnija pomoć u zaštiti i spašavanju tokom katastrofa te uklonile posljedice neke katastrofe, Strane će za timove spašavanja i pružanje pomoći te pojedince koji pružaju pomoć obezbijediti pojednostavljenu proceduru prelaska državnih granica.

2. Organi navedeni u stavu (1) člana 4. se usaglašavaju o vremenu i mjestu prelaska državne granice, načinu dolaska i odlaska te o trajanju boravka timova za spašavanje i pružanje pomoći tokom katastrofa odnosno pojedinaca koji pružaju pomoć na teritoriji Države druge Strane.

3. Timovi za spašavanje i pružanje pomoći kod katastrofa te pojedinci koji pružaju pomoć moraju posjedovati važeća dokumenta za prelazak granice, koja su izdali nadležni organi Države pošiljaoca.

4. Timovi za spašavanje i pružanje pomoći te pojedinci koji pružaju pomoć su ovlašteni da nose svoje uniforme na teritoriji Države druge Strane.

5. Donošenje oružja, municije i eksplozivnih sredstava na teritoriju Države druge Strane se zabranjuje.

6. Isto tako, Strane osiguravaju implementaciju ovog člana u slučaju da je jedna od njegovih Strana istovremeno i država tranzita. Nadležni organi navedeni u stavu (1) člana 4. se, u najkraćem mogućem roku, međusobno informiraju o uslovima tranzita, preciziraju procedure implementacije i, ako je potrebno, obezbjeđuju za grupu u tranzitu službenu pratnju tokom tranzita.

Član 12.

Privremeni uvoz i izvoz opreme te pomoći kod katastrofa

1. U slučaju katastrofe, Strane pojednostavljuju procedure vezane za

privremeni uvoz, izvoz i transport preko državne granice opreme za zaštitu i spašavanje te pomoć za unesrećene. Prilikom prelaska državne granice, vođa tima za spašavanje je u obavezi da nadležnom organu Države primaoca predoči spisak opreme za zaštitu i spašavanje te sredstva pomoći zbog katastrofa.

2. Timovi za spašavanje i pružanje pomoći te pojedinci koji obezbjeđuju pomoć mogu prenijeti preko državne granice samo onoliko opreme za zaštitu i spašavanje koliko im je potrebno za vlastito obezbjeđivanje i djelovanje te pružanje pomoći zbog katastrofa.

3. Bilo kakve međunarodne zabrane i restrikcije primjenjive na uvoz i izvoz komercijalnih roba neće se primjenjivati na uvoz i izvoz opreme za zaštitu i spašavanje te sredstva za pomoć unesrećenim (na privremenoj osnovi). U slučaju da se oprema za zaštitu i spašavanje neće koristiti, ista se obavezno vraća Državi pošiljaocu. U slučaju da sredstva odnosno oprema ostaju u Državi primaocu kao pomoć, nadležni organ Države primaoca mora biti obaviješten o vrsti, broju i lokaciji takve opreme. Predmetni organ će ovu informaciju proslijediti relevantnim carinskim organima. U ovom slučaju, primjenjuju se odredbe Države primaoca.

4. Strane dozvoljavaju upotrebu bilo koje opreme potrebne za zaštitu i spašavanje te humanitarnu pomoć u Državi primaocu bez formalnih procedura, depozita, isplata ili drugih takvih nameta.

Član 13.

Upotreba letjelica i plovila

1. Letjelice i plovila se mogu koristiti za hitan transport timova za spašavanje i pomoć unesrećenima odnosno pojedinaca koji pružaju pomoć, te opreme za zaštitu, spašavanje i drugo, ali i ostale vidove pomoći u skladu sa ovim sporazumom.

2. Organ koji potražuje pomoć odmah mora biti obaviješten o pružanju pomoći i korištenju letjelica i plovila za zaštitu i spašavanje te detaljno informiran o vrsti i oznakama letjelica odnosno plovila, njihovoj posadi, teretu i ostalim potrebnim parametrima. Država primalac će precizirati vrijeme, planirani let ili navigacijsku rutu te lokaciju dolaska.

3. Odredbe člana 11. ovog sporazuma vezane za prelazak državne granice se prikladno primjenjuju na članove posade letjelica i plovila, te na timove za spašavanje i pružanje pomoći u slučaju katastrofa, kao i na pojedince koji pružaju pomoć. Odredbe člana 12. ovog sporazuma primjenjuju se na letjelice i plovila, transportovanu opremu za zaštitu i spašavanje te pomoć kod katastrofa.

4. Odredbe u Državama Strana koje reguliraju letove aviona primjenjuju se i na korištenje letjelica. Svaki plan leta mora sadržavati potrebne informacije vezane za planirani let predmetne letjelice ili njegov

dio i mora se dostaviti Jedinicama službe za zračni promet. Strane podliježu obavezama iz standarda i smjernica Organizacije međunarodnog civilnog zrakoplovstva.

5. Upotreba plovila je predmet odredbi Država Strana vezanih za navigaciju u prometu plovnim putevima, kao i međunarodnih odredbi i standarda. Strane podliježu obavezama iz standarda i smjernica Međunarodne pomorske organizacije.

Član 14.

Upotreba vojnih letjelica i vojnih plovila

Upotreba vojnih letjelica i vojnih plovila za svrhu ovog sporazuma isključivo se dozvoljava uz saglasnost Države primaoca.

Član 15.

Zaštita i podrška za operativna djelovanja timova za spašavanje

Nadležni organi Države primaoca obezbjeđuju hitnu medicinsku pomoć i njegu te prikladnu zaštitu i podršku za timove za spašavanje i pružanje pomoći kod katastrofa te pojedince koji pružaju pomoć iz Države pošiljaoca.

Član 16.

Troškovi pružene pomoći

1. Država pošiljalac neće tražiti od Države primaoca nadoknadu troškova za pruženu pomoć. Navedeno se isto tako primjenjuje i na sve druge troškove nastale upotrebom, oštećivanjem ili gubitkom opreme za zaštitu, spašavanje i drugo, uključujući i sredstva transporta.

2. Troškovi za pomoć koju su pružila pravna ili fizička lica preko Države pošiljaoca snosi Država primalac. Država primalac mora direktno zatražiti takvu pomoć i biti saglasna da nadoknadi troškove za bilo kakvu dobivenu pomoć.

3. Sredstva prevoza korištena za pružanje pomoći su izuzeta od plaćanja za korištenje prometne infrastrukture i mogućih nadoknada ili drugih doprinosa.

4. U slučaju da timovi za spašavanje i pomoć kod katastrofa te pojedinci koji pružaju pomoć potroše materijal koji su donijeli sa sobom, Država primalac će im pokriti troškove za njihovo održavanje, smještaj i neophodne potrepštine do završetka njihove misije. Na zahtjev, istima će se obezbijediti i prikladna logistička podrška i medicinska pomoć.

Član 17.

Nadoknada troškova i šteta

1. Strane se odriču svih zahtjeva za nadoknadu oštećene opreme za zaštitu, spašavanje i ostalo kao i za sredstva prijevoza pod uslovom da su predmetno oštećenje napravili timovi za spašavanje i pružanje pomoći tokom katastrofa ili pojedinci koji pružaju pomoć u skladu sa ovim sporazumom, a da predmetna šteta nije bila namjerna.

2. Strane se odriču svih prava na nadoknadu štete u slučaju tjelesne povrede, trajnih posljedica po zdravlje ili smrti učesnika u operaciji spašavanja, ako su isti nastali kao rezultat obavljanja zadataka iz ovog sporazuma, osim ako nije namjerna.

3. U slučaju povrede trećih strana pri vršenju zadataka iz djelokruga ovog sporazuma, Država primalac će preuzeti odgovornost kao da je štetu prozrokovao domaći tim za spašavanje i pružanje pomoći kod katastrofa odnosno pojedinac koji pruža pomoć, osim u slučajevima kada su povredu smjerno napravili timovi za spašavanje i pomoć kod katastrofa odnosno pojedinci koji pružaju pomoć iz Države pošiljaoca.

4. Odgovornost za štetu preciziranu u stavovima (1) i (2) ovog člana primjenjuje se od dolaska na teritoriju Države primaoca do odlaska sa njene teritorije odnosno polijetanja.

5. Odredbe ovog člana se isto tako primjenjuju u slučaju da su Države Strane potpisnice istovremeno i Države tranzita.

Član 18.

Korištenje informacijskih i komunikacijskih sredstava

1. Nadležni organi Strana obezbjeđuju informacijske i komunikacijske veze, a posebno telefonske, radio i druge veze između nadležnih organa, timova za spašavanje i pružanje pomoći kod katastrofa odnosno pojedinaca koji im pomažu, u skladu sa ovim sporazumom i uz poštivanje međunarodno dogovorenih pravila komunikacije. Nadležni organi Strana isto tako omogućavaju i internetski pristup.

2. Strane razmjenjuju spisak radio-frekvencija dozvoljenih za komunikaciju na teritoriji svojih Država.

Član 19.

Stalna zajednička komisija

1. U cilju realizacije određenih zadataka iz ovog sporazuma, Strane uspostavljaju Stalnu zajedničku komisiju, koju čine predstavnici nadležnih organa preciziranih u stavu (1) člana 4.

2. Stalnu zajedničku komisiju čini jednak broj članova iz svake Strane

Države potpisnice. Strane imenuju najmanje tri člana Stalne zajedničke komisije i međusobno se o istome prikladno obavještavaju.

3. Stalna zajednička komisija prema ovom sporazumu ima sljedeće zadatke:

- rješava specifična organizacijska i tehnička pitanja,
- definira metode za održavanje komunikacije i
- vrši obostrano obavještavanje i priprema poslovnike bilo koje vrste.

4. Stalna zajednička komisija sastaje se najmanje jednom godišnje na teritorijama Država Strana potpisnica naizmjenično. Strane mogu predložiti i raniji sastanak Stalne zajedničke komisije.

Član 20.

Utjecaj ovog sporazuma na druge međunarodne sporazume

Ovaj sporazum neće imati predrasuda naspram prava i obaveza Strana koje proističu iz drugih međunarodnih sporazuma.

Član 21.

Rješavanje sporova

Sporove vezane za tumačenje ili implementiranje ovog sporazuma Strane rješavaju isključivo kroz zajedničke konsultacije i pregovore.

Član 22.

Izmjene i dopune

1. Strane mogu izmijeniti i dopuniti Sporazum kroz potpisivanje zasebnog protokola, koji stupa na snagu u skladu sa stavom (2) člana 23. ovog sporazuma.

2. Pismene obavijesti Strana o izmjeni podataka vezanih za nadležne organe i njihove adrese, telekomunikacijske veze i kontakt tačke neće se smatrati izmjenama i dopunama Sporazuma.

Član 23.

Stupanje na snagu, trajanje i raskid

1. Sporazum se zaključuje na neodređeni vremenski period.

2. Sporazum stupa na snagu na dan kada putem diplomatskih kanala pristigne posljednje pismeno obavještenje da su ispunjeni potrebni uslovi za njegovo stupanje na snagu.

3. Svaka Strana ima pravo da putem diplomatskih kanala pismeno raskine ovaj sporazum. Raskid Sporazuma stupa na snagu tri mjeseca od

dana kada je primljena obavijest o njegovom raskidu.

4. Prekid primjene ovog sporazuma neće imati predrasude naspram implementacije obaveza, koje su još uvijek primjenjive na dan njegovog prekida.

Sačinjeno u Bakuu 11. aprila 2023. godine u dva (2) originalna primjerka, svaki na službenim jezicima Bosne i Hercegovine (bosanskom, hrvatskom i srpskom), azerbejdžanskom jeziku, te engleskom jeziku, gdje su svi tekstovi jednako autentični. U slučaju razlike u tumačenju ili primjeni odredbi ovog Sporazuma, prevagu ima verzija na engleskom jeziku.

**Za Vijeće ministara
Bosne i Hercegovine:
minister sigurnosti**

Nenad Nešić

**Za Vladu
Republike Azerbejdžan:**